

HEDALS-SANG

Av Mikkel Sørlie

Tone: Rett som ørnen stiger

Bygd bak blåe skogar – sølvglim i din famn.
Fjell i solbrann logar – vindsus ber ditt namn!
./. Bygd du bleike blå – fjell med gullglans på. ./.

Moder sterke milde, det eg er, er du.
Alt eg tenkte, ville, all mi sorg, mi tru.
All mi frygd, min harm, alt av song i barm.

Lyser i min lengsel, vårglad på ditt fjell.
Stig lett over stengsel, draumar solraud kveld.
Siklar lint i lyng, mullar stilt og syng.

Sumarliv i lide, bjøllelåt og lokk,
Bør grøne, blide, kyrkjefolk i flokk.
Fuglar kved i lag, dirrar solmett dag.

Bleiknar det og folnar, haustbragd over li.
Vemodsfulle tonar stig i symfoni.
Kjenner dine drag, høge, bleike dag.

Kvite, kalde klede, stjernestrøydd kvar fald.
Frisk og munter glede kling i hei og hall.
Vinters beiske driv merkte og vårt liv.

Bygd bak blåe skogar – sølvglim i din famn.
Fjell i solbrann logar – syng vi ut ditt namn!
Hedal moderbygd - gi oss trivd og trygd.

